

憐香伴傳奇卷下之下

湖上笠翁編次

簾阻

淨儒巾員領帶小丑

剔銀燈笑區區生來命好不讀書居然中了安
排頭戴烏紗帽先娶妻後更娶小買良田把花
園起造騁盡豪華興都在這遭

不須刺股更懸梁別有求名覓利方轉劣爲
優人莫測偷天換日鬼難防割來卷面無痕
迹費去錢財有限量我替別人當舉子別人

替我做文章不是我老周慣做。虧心事只爲富貴催人日夜忙。我周公夢自從買了一名科舉。走去觀場。也是我命該發達。撞着一箇科場老吏。寫了箇欠票與他。他在場中把別人絕好文字。割來湊在我的卷面上。誰料三分人工七分天意。掛出榜來。果然中了。隨往各衙門說些分上。賺些銀子。還了前帳。白白落得這箇舉人。你說便宜不便宜。雖然如此。會試不比鄉場。須要另做一番手脚。割卷不

可再試。傳遞難乎其入。我如今用箇懷挾的法子。抄了幾百篇擬題文字。又錄了一卷二三場。任他出去出來。不過是這幾箇題目。料想沒有五書六經。憑他擬長擬短。不過是這幾篇後場料。想不考詩詞歌賦。只有一件俗語說得好。家家賣酸酒。不犯是高手。全要做得乾淨。我如今將文字捲做箇爆竹的模樣。等待臨場時節。塞在糞門之中。就是神仙也。搜檢不出。豈不妙哉。說便這等說。也虧我當

初喜做龍陽預先開闢了這座名山以爲今日藏書之地。昨日將來試一試。竟是輕車熟路。絕非鳥道羊腸。何等便益。若待臨時說法。雖有五丁力士。也要費許多穿鑿之功。笑介四邊靜。這藏書秘笈真奇妙。非囊又非橐。帶進棘圍中。試官不知覺。場題遇着將來直抄。這是我肚裏出來的。逼真好才學。

場期還有幾日。我如今且先做一件要緊的事。當初曹个臣許我中後議親。此時正在議

親的時節了。我若娶得曹小姐爲妻。一來做官時節省得去請幕賓。二來有箇翰林阿丈在朝。不受上司的氣。這關係不小。況且范介夫改名石堅也中了浙江鄉試。他若孽根未斷。來到京中。未免又生癡想。我須要對曹公說明。也不爲他所欺。叫長班寫箇晚生帖子。伺候不日稱愚婿。權時寫晚生相逢知刮目。倒屣下階迎下。

番卜算外便服帶末上兒女病新差阿父寬懷

薛香半

簾阻

三

貞

抱安排毬彩覓良緣誰中屏間雀

下官自從取了崔箋雲與女兒作伴且喜女兒病體霍然容貌復故今當大比之年將來三百名中定有幾箇青年未婚的進士就在榜上擇婿便了如今會場伊邇若論資俸下官也該入簾只是夤緣的多不知可輪得着我也聽其自然正是莫與時流爭敏捷且安吾命守迂疎淨小丑上嬌客來從千里外料應有鵲報簷前末傳介外看帖介原來周公

夢中了我想當初汪仲襄曾替他作伐我許他中後議親他若還說起此事怎麼樣對他躊躕介丑急上報報報末報甚麼丑報曹老爺入簾末稟介外既報入簾就該迴避叫院子封門末應出見淨介老爺報了入簾避嫌謝客相公請回場後相見封門介外莫怪關防密須知功令嚴末隨下淨我若早來一刻他報入簾畢竟通箇關節與我不但親事連功名都到手了有這等不湊巧的事

福馬郎命薄命薄真命薄來遲一刻把機緣錯
丈人做房考我這些兒福也不能叨你避嫌避
別箇自家女婿見見何妨何用忒妝喬我和你
真骨月怕甚麼口嘵嘵

罷我有這滿肚瀉出來的文章還要甚麼關節
待中了來說親不怕他不許

才高不用丈人扶 身貴纔將好事圖

且去屠龍磨利劍 不須守兔待枯株

搜挾 小生扮氤氳使者上

莫道姻緣是偶然紅絲端的暗中牽奸雄空
使回天力銅雀何曾鎖麗娟自家氤氳使者
便是自從在雨花菴暗引崔曹二女締就姻
盟後來被周公夢那厮陰施詭計折散鸞凰
如今周賊惡貫已盈石生功名垂就我不免
與文曲星君朱衣使者商議先使周公夢懷
挾的事情敗露痛受官刑以爲作孽之報後
將石堅試卷投入曹有容房中使他由師生
而結成翁婿今日是會試頭場須往棘圍中

走一遭來正是罪惡貫盈終有報姻緣際合
豈無天下

小蓬萊末冠帶衆扮門子軍牢皂隸上繡斧威
名山重鑿文場夙望增隆燃犀自矢嚴搜廣鼎
務出真龍

下官京畿御史奉旨監場外杜舉子之夤緣
內絕簾官之線索正是國家隆重之典仕路
清濁之源非徒任怨任勞還要其難其慎叫
軍校衆應介末往年會試不比鄉場搜檢只

行故事以致魚龍混入真偽兼收今日務要
加嚴不可仍前忽畧衆應介末開門點舉子
進來鼓吹開門介雜執牌引生上第一牌舉
子進來旦仔細搜檢衆吶喊搜介搜檢無弊
生領卷下雜執牌引小生上第二牌舉子進
來旦仔細搜檢衆吶喊搜介搜檢無弊小生
領卷下雜執牌引丑上第三牌舉子進來旦
仔細搜檢衆吶喊搜介搜檢無弊丑領卷下
雜執牌引淨上第四牌舉子進來旦仔細搜

檢衆吶喊搜至臀後驚介怎麼這箇相公是有尾靴的淨那是箇脫缸痔漏疼得緊動不得的衆搜出文介原來是卷文字喊介搜檢有弊末拿上來衆攤案上介末嗅介是那裡這等臭衆稟老爺這卷文字是糞門裡搜出來的末掩鼻嘔唾介快拿下去叫那舉子上來淨跪介末你畢竟一字不通方纔挾帶文字我且問你你那舉人是那裡來的淨舉人是文字中來的末文字是那裡來的淨文字

是肚裡做出來的末還不直招取夾棒過來淨舉人怎麼夾得末既不受夾出個題目面考淨慌介那個刑罰當不起寧可夾末這等夾起來衆夾介淨喊介這箇刑罰也當不起寧可招末這等從直招來

駐馬泣駐馬聽淨小小神通賺得科名惑易容末還是倩代還是傳遞還是關節呢淨非緣倩代不是郵傳豈爲關通是買通科場老吏割卷面中來的向荷包縹剪狀元紅接來巧合蓑衣

縫泣顏回因此上錦標兒奪得秋雲又誰知馬
脚兒露向春風

末原來如此好笑那鄉試監場的官兒任他
們表裏爲奸全不知覺

前腔直恁冬烘把个文運科場當做傀儡棚漫
聽鹿馬暗易牛羊巧混魚龍那箇秀才平日受
了多少燈窗之苦到場中做得這七篇文字被
你偷割將來難道沒有箇天理可憐他十年針
線爲誰工嫁衣暗送他人用叫左右扯下去重

責五十板取大枷伺候你這冒衣冠的禽獸當
誅劫文章的盜賊難容

打介末柳在貢院門前完了科場發落柳介
末整肅衣冠伸士氣興除利弊報君恩鼓吹
封門衆隨下淨吊場叫呵呀介丑副淨上主
人進科場奴僕也風光安排做大叔服事狀
元郎丑自家嘉興石相公的管家便是副淨
自家揚州張相公的管家便是我們相公都
進場去了須往貢院門前伺候迎接丑呀那

是周公夢怎麼枷在那裡。副淨我們認得他。他認不得我。向前去問他。就是老兄爲甚事戴了這件家伙。淨歎介。晦氣真箇晦氣。舉人中得無味。割將卷面登科。搜出文章現世費。盡多少心機抄得百篇制義。外將油紙包封。塞在糞門以內。只因吶喊聲喧。嚇出一枚小屁。這卷孽文章原要作怪。成精怎再經得因風帶勢。起初還不過露出一寸梅樁。我硬夾着他不容走漏。春風消息。遇着那些搜檢的。

冤家被他連根拔出了月中丹桂。軍牢拿去請功。認作木樨扇。墜展開穢氣滿堂。衝散一堂書吏。幾乎嘔殺試官。高唱琵琶兩句。道我腹中無所有。滿肚的腌臢臭氣。十根籤丟下階來。五十板挖將肉去。暫時枷在場門。完了科場擬罪。丑副淨滿場滾笑上。打得有趣。枷得有趣。妙妙妙。老兄你可認得我們麼。淨認不得。丑我家相公叫做石介夫。副淨我家相公叫做張仲友。淨原來如此。他兩箇都是我。

的好朋友。丑好朋友好朋友。昔日曾遭君毒手。先到曹家弄巧唇。後來學院施奸口。當初暗箭固難防。如今顯報也難容。走老周老周。你且聽我道來。

前腔孽障重重。天網雖疎不爾容。你當初那樣算計他。他到還有今日。你的威風那裡去。一任你口如蛇蝎。心似豺狼。怎當他志比鷗鵬。副淨對丑介。你不要笑他。他今日也未嘗不威風。你看他瓊林獨桌宴春風。四圍爭看人無縫。他

如今暫枷一兩日。曹老爺知道。畢竟要來救他。他有箇孔聖人做阿丈先生。怎肯教公冶長在縲縷之中。

內掌號介。丑副淨。想是開門了。我們且暫別。少刻同兩位相公一齊來領教。行介。淨歎介。遇着他的家人。尙且受這樣臭氣。少刻自己出來。還不知怎麼樣辱我。本待撞死。怎奈枷在頸上。動不得。真是上天無路。入地無門。生小生上。萬言盡對天人策。借問誰稱董仲舒。

懷春作
〔丑副淨〕相公出來了。有一樁極燥脾的事。報與相公知道。那周公夢爲挾帶文字。打了五十板。枷在貢院前。我們方纔畧取笑了幾句。還不會盡興。如今同相公一齊去羞辱他。消前氣。生不可當初雖是他不是。我也虧他激厲了一番。纔有今日。况他既受了天報。我們只存厚道便了。〔小生〕姊丈之言極是。遮面過介。雖無何武優容度。聊學劉寬長者風。下〔丑副淨〕指淨罵介。便宜了這個狗才。下淨我

料他決有惡語相加。誰想反掩面而過。歎介今日看來。纔知他是君子。我是小人。

前腔度量寬宏。能把吾曹百輩容。愧殺我多謀少識。昧已瞞心。有眼無瞳。半生空學夢周公。如今方醒周公夢。我出了這樣醜。有何面目做人。不如去尋箇自盡便了。惡名兒遺臭粉榆。有何顏再返江東。

擬笑反成哭。

求榮而得辱。

有頭不見身。

未死先入木。

強媒

〔外冠帶未隨上〕

夜游湖一顧馬羣空冀北冰玉鑑朝野爭推榜
已開天門初撒棘鸞鳳紛紛來集

下官謬膺簾試常愁形過鑑窮不料放榜以
來一時名士多出本房第一卷名喚石堅是
箇冠場儒士第二卷張三益就是揚州仲友
下官曾識他于未遇之先但因議親一事未
免失之已甚今日相見倒覺得難以為情叫
院子本房門生來拜作速通報〔末應介〕

前腔生小生冠帶丑副淨隨上生昔日墜淵今
置膝下右手扶上雲梯小生何意蓬蒿翻為桃
李不言應自成蹊

生下官二甲進士石堅是也小生下官三甲
進士張三益是也老姊丈我和你當初只因
議親一事觸怒曹公你受中傷我遭面叱誰
料今科我兩人試卷恰好落在他一房如今
有了知遇之恩也可以釋那睚眦之怨了生
老舅與他原是夙好又受新知雖有嫌疑自

然冰釋只是小弟抱了不白之冤他又成了
不解之惑今日初會斷不可露出原情且待
令妹消息出來徐圖機會小生言之有理未
通報介外接見生小生拜介門生迂疎曲學
瑣尾庸儒蒙老師指石爲金使門生脫鱗生
翼恩同覆載德比君親外門下兩間名士一
代殊才老夫蠡測管窺俸收時望清光得近
末路增榮送坐介石兄如許青年爲何文字
恁這老到多少尊庚了

啄木兒生慚終賈媿子奇二十年華今過矣外
娶尊闔了麼生笑梁鴻老大猶鰥似相如飄泊
無依先君宦游之日曾與僚友面訂爲姻後來
兩家遷播音耗不通所以蹉跎至今未偕婚媾
外芳齡易邁鏡合難期還該別尋佳偶纔是生
微時故劍難輕覓新時玉鏡難重備因此上常
作孤鴻伴影飛

外張兄自從廣陵別後不覺三年當初賤性
乖張言多冒犯幸勿挂懷小生那是門生多

事干犯嚴威至今尚有餘悔

前腔常回首念昔非干竇尊嚴深自悔還求老
師汪洋大度不記前愆門生纔得安于覆載恕
狂愚相度休休憫顛蒙聖德巍巍外那范生今
作何狀了小生他衣冠久已同蟬蛻淪竿隱入
蓑衣隊知他在烟水茫茫何處磯

雜持報上龍墀呈奏疏鳳闕下綸音兵部抄
出邸報送老爺電覽外看介兵部一本爲冊
封琉球事奉聖旨琉球係東南大國冊封須

練達老臣翰林院編修曹有容辭命素嫻老
成可任卽着齎詔往封該部知道驚介呀爲
何忽有此命生小生老師躬膺天簡榮使大
藩這是太平盛事爲何反有憂容外二兄有
所不知琉球居大海之東此去全憑舟楫老
夫前歲在山東曾遇着請封的國使他爲颶
風所激幾至覆舟這破浪乘風之事須是年
盛力強的方勝其任老夫年衰膽小不耐風
濤故此憂慮生背介琉球去中國不遠冊封

也是美差爲何這等懼怕。我想要圖他的姻
事。先要得他的歡心。我自自有道理。轉介老師。
門生自幼喜讀海外之書。頗懷牖下之恥。今
蒙老師提拔。欲報無由。待門生上箇小疏。代
老師這番勞頓。何如。
外若得如此。實爲萬幸。
生小生告退了。
外石兄先別。張兄暫畱。還有
一言請教。生請纓不是明時事。執玉先修盛
世儀。下小生老師有何賜教。
外當初原爲小
女姻事。得罪吾兄。如今還喜得小女未曾出

室。不如還借重吾兄作伐。以此贖罪。何如。
三段子。蓋愆未遲。小裙釵。猶然在圍。小生別事
只管效勞。若說起做媒二字。門生頭腦都疼。自
從受老師那番教誨之後。門上貼了戒約。神前
發了誓言。再不替人做媒。不多年戒媒過來人
如今不迷。起介門生告別。
外畱介兄不要固執。
伐柯有待。非無意。解鈴還問何人繫。小生靈失
涇涇無貽後悔。

外當初范生有了前妻。難怪老夫峻絕。如今

老夫屬意有人。要兄做箇現成月老。這有何難。小生請問老師屬意的是誰。外就是方纔的石兄。小生門生與他雖是同門兄弟。相與不深。據他方纔說。當初曾聘過一家。這又是范介夫的故事了。外兄不要管。老夫要贅他。爲養老東床。只要他見允。就是兄的鼎力。那以前以後的事。都與兄無干。小生老師說過。門生纔敢遵命。

歸朝歡承諄命承諄命如何再推暫破戒明朝

另起外休膠柱。休膠柱。隨緣順機。這姻親全非昔比。小生請問老師。石兄若允了之時。佳期訂在何時會。外明朝便把良緣締合。爲一對翁僮。師生做箇自在媒。

下

賜姻

祝英臺近旦上出奇兵排險陣。天幸厥功奏聞。說爹行已入巧機殼。小旦上那堪妹却先行。姊翻遲嫁箇中事。轉添眉皺。

拜香半

賜姻

去

貞

旦妹子石郎做了爹爹的門生豈不是天從人願昨日爹爹擇僮又却好相中了他倒央張表兄作伐眼見得這段婚姻成就了也

祝英臺把幾年愁三處淚今日一齊收安排着十幅錦幡一炷清香忙把雨花神酬妹子我和你如今事成之後追想當初結盟的時節也覺得有好些歎氣回頭倘若是到今天不從人難道委實的把來生空守這痴事到底全虧天佑

小旦你便替我歡喜我如今好不替你擔憂第一憊懣怪你善旁觀迷局內底事君知否幾曾見從井救人換頭人岸先登自己反沉中流這箕帚我和伊原矢同操該是誰先誰後難道教你靠孤枕晚來臥看牽牛

貼旦上佳期偏迅速好事不羈遲小姐方纔張爺來回覆姻事說成了今晚就要成親旦喜介謝天謝地如今再無別慮了妹子請梳妝小旦悶坐不理介旦怎麼我費了多少心

機纔傳得這一聲喜信。你聽了不見歡喜。反做這等愁眉怨態。所爲何來。小旦我當初原說嫁你。不曾說嫁他。就是嫁他。也是爲你。你如今不會有箇下落。教我如何獨自先行。旦這等說起來。你要怎麼樣。小旦除非和爹爹說明白了。和你一齊。旦一齊怎麼樣。小旦作羞容。且笑介。虧你是箇極聰明的人。說出這等極沒竅的話。你家那箇爹爹。是可好與他說得明白的。若要說明。定是從頭拘起。貼旦

時辰到了。快請小姐梳妝。旦畱春取妝匣過來。待我替他梳洗。理髮介。

第三換頭。光潤全不俟膏沐爲容。這色澤自如油。你這眉色兒。濃淡得宜。不消畫得。只替你掠一掠罷了。掠介縱有筆底遠山。畫裏修蛾。難上你的眉頭。貼旦下持衣上。這是新做的吉服。旦看介。這衣身太做寬了。你那窄窄腰肢。穿來怕不相稱。待我畧收幾針。縫介把裙收記取今日腰肢好。驗他年肥瘦。妝完看介。細看你這溫柔原合。

與那人消受。

前腔小旦聽剖倘那人問你行踪教我甚話
去相酬旦他若問我你教他放心不須憂慮我
自有處小旦難道兩字放心一語休愁便足解
他倻懣旦你也忒多心他和你新婚燕爾那有
工夫問到我身上來小旦堪醜怕新的鄙陋堪
憎轉念糟糠依舊姐姐說便是這等說你也早
些生箇計策大家完聚了省得牽腸掛肚勸你
返趙璧早把相如功奏。

隔尾合對歡容陪笑口鬼胎愁担一齊丟準備
着次第于歸賦好迷。

菊花新外冠帶上乘龍今喜得良儔不負從前
吝彩毬水玉可相侔先自愧青居藍右。

石郎受了兵科聞得今日命下賜一品服色
出封琉球但不知何日起程且把親事完了
再作道理。

前腔生幘冠錦袍小生末扮隨使官一捧勅一
持節衆鳴金鼓吹引上節旄呼擁出皇州敢爲

姻私稍逗邁三日賜淹畱深感荷聖恩高厚

見介外請問賢僮何日榮發生王言不宿原該命下卽行但因愚僮將畢姻一事奏過聖上恩蒙給假三日外這等甚好掌禮請介小旦上行禮照常介

大環着合這良緣天湊這良緣天湊姿貌同妍才思俱新家聲都舊夫僮少年衣繡二八新人早受五花封七香馳驟豈世上風塵凡偶是一對神仙勾漏歡聲沸賀客稠看瑞靄呈雲篆烟

生籀

尾聲紗籠寶炬花如斗燦畫堂有如晴晝料應這欽賜的良宵有閨籌

俱下丑弔場沒志氣沒志氣失了便宜又壞例只見賣老婆的貼枕頭不見賣丈夫的當使婢我家大娘極沒正經好好一箇丈夫讓與別人受用還要替他扶頭撮腳如今他兩箇雙雙進房去你獨自箇冷冷清清坐在房裏怎生了氣悶得過不免請他出來耍他一

要大小姐快來。且急上。你大驚小怪。喚我出
來做甚麼。丑。二小姐有請。且他請我做甚麼。
丑。他兩箇脫了衣服。爬上牀去。哎喲。哎喲的
叫了幾聲。忽然爬起來。叫花鈴。你去對大小
姐說。教他一箇好人。做到底。方纔我的頭是
他替梳臉。是他替洗衣服。是他替穿。如今這
樣的苦。還去請他來替吃。且笑打介。丑。不是
花鈴。敢大膽。要你若不取笑。取笑。怎生捱過
這一夜。

丑。侍兒相伴數更籌。失却便宜拾却愁。
且。非是矯情甘寂寞。要思越俗擅風流。

觀美

丑。冠帶衆扮各役。喝道搖擺上。

秋夜月。統袴兒。福分渾如是。初讀詩書不識字。
舉其人而進其士。天公也有私。神靈也有私。

下官姓魏名楷。家君現任冢宰。姻親七貴。五
侯。家事石崇王愷。性中不屑聰明。心上帶些
雲鬢。詩書不共戴天。筆硯視同苦海。草草學
得完篇者也之乎。未解自己密密加圈。先生

不敢擅改。開得科舉一名。去做觀場小矮。還他黑字七篇。不管是非好歹。誰知富貴逼人。錦上添花。添五彩。舉人何等貴。緣進士不須錢。買試官要奉權。津自會斑衣獻綵。查出試卷呈堂。主考連聲喝采。既然將出將門。敢不容他奏凱。及至放榜。巍然鄉里。一齊震駭。賀儀羊酒紛紛。世事幡然一改。紗帽軟乎其翅。圓領硬乎其襪。雙手把銀帶。摩而又摩。兩脚把皂靴。踹而又踹。頭上的三簷傘。上毛坑也要

張馬前的五花頭。謁家君也要擺。軒昂其實。軒昂瀟灑。果然瀟灑。算來萬事俱全。只少箇嬌嬌滴滴。風風流流。現現成成的夫人奶奶。
笑介下官未中的時節。會聘一豪家之女爲妻。豈料他沒福做夫人。不曾過門先死了。如今雖喜得金榜掛名。尙未曾洞房花燭。聞得翰林院曹年伯。有箇小姐。叫做語花。姿貌文才。兩擅其美。不免央媒人去說親。叫長班寫紅帖伺候。末爺央人到曹家說親。還是說他

懷春作

家那一箇丑語花小姐末這等老爺不要想
有人做去了丑誰做去了末就是爺的同年
嘉興石爺入贅曹府昨夜成親的丑怎麼有
這等事頓足介

禿斯兒頓足咨嗟失良時悔偏遲洛陽見說花
如市我驕春擬作探花使豈料雕鞍到處已無
枝

末爺不要慌他家還有一箇丑怎麼還有一
箇末他有兩位小姐招石爺的是第二箇大

的還不曾許人丑知他生得如何末兩箇的
才貌都是一般

前腔不必咨嗟及良時尙未遲洛陽猶幸花如
市雖然已遇探花使還虧得無梯剩却最高枝

丑這等要早央人去求親便了

妹子做了新人 阿姊瓜還未破

與我年長鰥夫 同是一般難過

出使

淨扮琉球王引衆上

北醉太平虬蟠海邦瀨氣蒼茫洪濤遙瀉且天

卷之十

出使

三三

貞

光莫金甌水一方。劍鏘高擁芙蓉浪。聲華遠接
天朝壯。若得箇周官儀制。漢官裝。一般般帝與
王。

孤家琉球國王是也。自從請國相往中國請
封。要借天帝龍威。壓倒地鄰鯨喘。因此遲遲
日本。觀望不前。昨日探子來報。中朝天使同
國相齎詔前來。已會傳諭國中。肅班掛綵祗
候。只索親往海邊迎接去也。重唱周官二句
〔下生冠帶引衆上〕風搖旌旆錦雲開。咫尺蓬

壺笑景臺。踏破鮫宮分海氣。天書遙捧日邊
來。下官兵給事中石堅。蒙恩賜一品服色。
齎詔冊封琉球。一路乘傳而來。不覺已到海
濱也。雜扮海船官引船戶上。稟老爺。漳州府
海澄縣市舶司。整備船隻。伺候開洋。生衆上。

船介

南普天樂生。捧皇綸。開仙仗。駕天風。凌鯨浪。艤
舳泛。艤舳泛。渤宇汪洋。護輕帆。蜿蜒龍翔。合呀
把天朝拜仰。恩波似水長。看取遐荒鱗介都變

奉天

出使

二

貞

懷春作
冠裳

俱下

北朝天子淨衆上擺翬旌羽幢控珠鞍彩韉踏
沙堤歌舞迎天仗傾都士女慕中華景光喜孜
孜爭凝望錦帆兒遠張繡旗兒高颺渺茫渺茫
渺渺茫漢仙槎鈞天奏響鈞天奏響小番家都
歡暢小番家都歡暢

南普天樂生衆上五雲開披青嶂六龍浮依彤
仗芳洲近芳洲近堞雉微茫正詩成笑傲滄江

淨跪迎介琉球國臣尙巴志拜迎天詔生國主
免禮就此擺隊入城祇後開讀行介合呀把天
朝拜仰恩波似水長看取遐荒鱗介都變冠裳

扮飛橋入城生開讀介奉天承運皇帝詔曰
朕恭承天命誕受多方爰暨海隅罔不率俾
聲教所訖慶賚惟同爾琉球國僻處東南世
修貢職國主尙巴志賢足長人才能馭衆間
關請命恭順有加今封爾爲琉球國中山王
仍賜冠袍玉帶等物凡國中官僚耆舊俱許

拳香半

出使

三五

貞

照式改易冠裳永綏海國共享昇平謝恩淨
衆謝恩畢更衣冠拜舞介

北朝天子荷天朝耿光拜綸書遠將普琉球喜
氣三千丈金蟬翠組把瓊裘改裝閃緋袍蟠龍
樣這風流怎當這威儀偏壯小邦小邦小小邦
受恩施天高地廣天高地廣曩高呼酌恩祝曩
高呼酌恩祝

〔生淨相見介〕淨蠻夷僻遠猥蒙天使寵臨拜
觀龍光榮增荒服〔生〕下官謬膺相禮得借觀

風幸厝賢王三生有幸淨海國荒涼無以爲
敬薄具梳酒爲天使洗塵〔生〕蒙愛了〔送席介〕
南普天樂生海東頭風偏爽錦中山規模壯傾
嘉醕傾嘉醕玉乳生香儘酡顏笑語徜徉合呀
把天朝拜仰恩波似水長看取遐荒鱗介都變
冠裳

〔淨〕鄙國有一二蠻女敢出侑觴未知堪娛耳
目否〔生〕天南春色風景自殊既有佳優願新
觀聽且小旦扮夷女歌舞奉酒介

北朝天子淨蠢生生傳粉麗笑吟吟捧紫觴
北虞侯混擾芙蓉仗蠻音聒瑣開仙官兩傍莽趨
承慚無狀料沒有歌聲兒繞梁霓裳兒飄颺遠
方遠方遠遠方仰華風居然霄壤居然霄壤也
開懷尋歡暢也開懷尋歡暢

生過蒙款延醉酒飽德暫回館舍明日告辭
淨地主之禮未盡分毫豈得匆匆言別生簡
書可畏不敢久羈淨這等明日備下謝表敢
具方物數種番女十名仍遣國相隨天使入

朝謝恩

南普天樂
生歡情隆承嘉貺數歸期憎惆悵纔
觀遍纔觀海甸風光又早思鳴玉鏗鏘合呀
把天朝拜仰恩波似水長看取遐荒鱗介都變
冠裳

生匆匆啣命海東遊淨上國文星不久畱
生歸去朝天弭使節徧從臣宰說琉球

矢貞

外便服帶末上

燕歸梁半放却長愁又短愁妹嫁也姊還畱

拜亭中

矢貞

三七

貞

下官自從贅了石郎爲婿。代我冊封琉球。不但門楣得人。亦且桑榆有靠。只是養女未曾出嫁。今日魏年兄。央人替他兒子作伐。我已親口許他。不免教女兒傳與他知道。院子請二小姐出來。末傳介。

前腔 小旦帶貼旦上 纔嫁蕭郎便遠遊。空撇下

一團羞。

爹爹喚孩兒有何分付。外我兒你雖得諧佳偶。阿姊未遂良緣。終是我不了心事。我如今

已選了女婿。你去說與他知道。待他放心。小旦孩兒不聽。正要稟告爹爹。他當初受過石家之聘。不肯二夫。

懶畫眉他寸絲當日已曾收。繩足難教繫兩頭。外這話他初來時節也曾講過。但據他說多年不通音耗。如今知在那裡。小旦關雎今已在河洲。空將窈窕眉兒皺。反被箇不淑的人兒僭好。迷。

外如今訪得在那裡。小旦就在我家。外驚介。

怎麼就在我家是那一箇快講來。小旦當日他父親為別駕。石郎父為司李。兩下以同寅締好。石家以金釧為聘。他家以玉蟾答之。後來兩家遷播。二親都喪。故此音問不通。前日孩兒見石郎以玉蟾自佩。問他何來。他說是高家回聘之物。孩兒帶在身邊。姐姐見了。認是他家。拿出金釧來一對。纔知他就是石郎的。怎麼有這等奇事。

前腔小旦他有緣千里巧相投。難道教他對面

無緣強折儔。不但姐姐不肯做失節之人。就是孩兒也不。郎于非義。怎教他無罪逐前。鳩把鵲巢。何厚。因此上左席常虛半幅。稠。

外豈有此理。你已嫁了石郎。難道又把他嫁與石郎不成。我且問你。既然兩箇並嫁。還是誰做大。誰做小。小旦他受聘在先。又且年長。自然讓他做大。外變色介胡說好沒志氣。我當初做老儒。不肯把你與人做小。如今中了

進士入了翰林。你還說這等喪氣的話。叫花鈴請大小姐出來。待我自己勸他。貼旦請介。旦上雲板聲中傳令至。湘簾影裡喚人來。爹有何教諭。外我兒方纔妹子說。你與石家這段情由。果然詫異。只是知道遲了幾日。若在妹子未贅之先。我便替他別選才郎。完你兩人夙願。今妹子既和他諧了秦晉。勢難兩全。我替你擇了佳婿。就是石郎的同年。備下全付妝奩。不日遣嫁。你須要依從。不可

執拗。旦爹爹在上。容孩兒細稟。

前腔兒時。春秋慕古。期將婦德修。出劍介這劍。幾百年。迷縱然不諱。猶相守。那有箇生抱琵琶過別舟。

外你若再嫁石郎。置妹子于何地。旦爹爹不須過慮。奴家也無再歸石郎之理。

前腔雖不是金盆覆。却水難收也。自知黃裏黃裳事可羞。外既不肯別嫁。又不歸石郎。難道空守一世不成。旦不勞爹爹費心。孩兒自有箇退

步慈航便借栢爲舟。洗脂澣粉離塵垢。俺自去
削髮除煩。把苦行修。徑下小旦呀。姐姐竟去祝
髮了。他的丈夫。我占在身旁。使他不得其所。他
如今做了烈女。我被外人談論起來。成何體面。
罷。不如也去削髮除煩。把苦行修。

〔徑下外作呆介〕這樁事怎麼處。丑貼旦急上
不好了。兩位小姐都在那裡剪頭髮
了。他兩尼姑。我這幾根金絲髮也留
不住了。怎麼好。外慌介快去扯住。你說兩箇

都嫁石爺。再無異說。快去快去。丑貼旦應下
〔外你說〕擱氣的事。那一家女兒養不
得。那一招不得。剛剛弄他夫妻一對。
來在家裡。如今擱這樣的氣。我若把兩箇都
配他。一來大小難分。二來我已許了魏家。把
甚麼話去回覆。沉吟介也罷。我將此事。修下
一道表章。奏明官裏。但憑聖上發落便了。

欲將二女歸甥館。往事還須問帝堯。

竝封

〔生袍笏上〕

漢使初回博望槎衣沾餘屨入京華重隨鴛
鷺朝天日屈指星期尚未瓜下官石堅奉使
琉球還朝覆命官裏尙未升殿且在朝房伺
候未扮番使執笏老旦丑扮胡女隨上夷夏
從今已一家陪臣兩度入京華冕旒親親朝
儀盛歸去還從部曲誇自家琉球國相便是
俺主受朝封冊差俺備了胡女方物前
來謝恩隨天使入朝則箇外袍笏上治
國齊家道本同看來難做自家翁痴聾妝不

到頭處拱手前來問至尊下官曹有容爲二
女姻事章須索隨班具奏內作升殿
介丹墀應官員有何文表各自披宣

八破生奉差臣石堅啟前日承恩旨命微臣齎
仁勅冊中山備侯禮永固籓籬臣謹竭愚鞭駑
奉命前去所幸微臣乘風破浪仗天威海若波
臣效力未屆期而至讀聖諭授冠履聽恩詔無
不歡喜一國君臣北面呼嵩震地詔開時雕鏤
夷民聚觀似蟻

被_{第二}口稱漢官如此威儀美遐方殊俗方知瓊
駱堪鄙擬從今日冠裳世奉腥羶畧洗沒齒難
誼聖人有斐

袞_{第三}使事告成不終日旋把歸裝理風伯效靈
轉去帆如一葦旬日星槎早艤伏念微臣覆餗
曠官有媿拜丹墀敬覆命陳言謹伏闕待罪
歇拍未_下畢陪臣斯啟臣主荷蒙茲隆遇
遙拜表_謝着微臣謹貢區區筐篚列丹
墀伏冀塵存曷勝慰私

中袞_{第五}外翰林待罪微臣啟臣老今垂死子爾
一身前無妻後無子實堪悲膝下煢煢止生一
女在閨已與石堅永効唱隨

煞尾止爲舊時曾撫螟蛉女豈知彼親在日受
人筭遇流離信音稀及今細訪知是石堅原配
事雖奇理出尋常勢難敵體

出破將來妾號竟歸誰伏乞正名位念老臣齊
家寡術深知愧茲無任恃恩冒瀆悚慄徬徨之
至

小生扮內官捧詔上。聖旨下。石堅妙齡奉使。練達有加。着該部紀功。加陞品級。中山王遣使酬恩。深加國體。着中書寫詔勞諭。曹有容所奏姻事。風化攸關。自應合配。長女。次貞。不。二。婦德可嘉。次女。虛闕待賢。休風可式。二女不分妻妾。並封夫人。各賜胡女一名。以充侍。媵。謝恩。衆謝恩介。

滴溜子。皇恩遍。皇恩遍。人人遂意呼嵩罷。呼嵩罷。歡聲似沸。事情說來堪異。一封下九重。兩賢

媲美。這段姻緣傳遍四夷。

生。胡姬備媵不尋常。洗却和番恥。百場。

外。明日大開花燭宴。末。可容倭客打新郎。

歡聚。丑扮賓相上。

梨花兒。小子生來做賓相。走盡朱門并陋巷。不見二女嫁一郎。嗟。何曾撒過這般帳。自家京師第一箇行時的賓相。便是翰林院曹老爺。前日把第二位小姐。招了兵科石爺。今日又把大的小姐。招他。奉聖旨不分妻妾。並封

夫人今日勅賜完姻。特地喚我來伺候。

女冠子前外冠帶上榮恩天降雌雄三鳳朝陽

丑賓相叩頭外不消照常贊禮就是丑這等

待我請新郎新人出來做打掃喉嚨向內欲

請介旦急唱上

女冠子前良緣已遂難瞞到底不呼自出休憎

鹵莽

丑背笑介我做了一世賓相不曾看見這箇脫套新人我還不曾請他自己先鑽出來了

旦見外介爹爹萬福外見驚介你一向是知

禮的。怎麼今日這等直率。賓相不曾請自己

走出來。大失體了。旦孩兒有話。要面告爹爹。

求將賓相遣開。待孩兒細稟外難道又有甚

麼執意不成。如今是奉旨完姻。你要辭也辭

不得了。旦孩兒並不敢辭。只是其中有箇緣

故。外偏是你有這許多緣故。再說不了也罷。

賓相且立過一邊。說完了。喚你來贊禮。丑新

人自會成親。賓相不須用得。出閣這等容易。

上牀料無難色。下外如今講來。旦跪介求爹
爹怒孩兒萬死之罪。方纔敢講。外起來。但說
不妨。旦起介。爹爹在上。孩兒與石郎向年已
曾借過花燭。只因石郎出繼舅家。改姓從范。
孩兒與妹子在雨花相值。彼此憐才。曾在佛
前結爲姊妹。不想爹爹忽然把妹子帶來。以
致他思念成疾。後來石郎革了衣巾。歸宗覆
姓。徽律登科。孩兒替他進京。訪問妹子的音
耗。幸喜爹爹遴選閨秀。孩兒得入彀中。彼時

若以實告。爹爹決不見收。孩兒若不進來。妹
子的病決不能愈。所以只得詭詞以對。如今
賴爹爹福庇。良願已酬。榮恩已下。孩兒若再
不說出原情。將來欺天之罪。一發難逃了。因
此冒死直陳。求爹爹恩諒。外大驚高叫。介怎
麼當初在菴裡做詩。就是你。旦就是孩兒。外
范介夫就是石堅。旦就是石郎。外怒介了也。
了不得。這等看起來。把我當做箇傀儡。從那
時節掣到如今。還不知覺。我當初不知就罷。

了。如今知道。難道還甘心受你們簸弄不成。
背想介且住。我的女兒被他騙上手了。聖旨。
又是我自己請下來了。生米煮成熟飯。還拘
得到那裡去。不如做箇好人。轉介罷罷。罷人
老無能。神老無靈。自家懵懂。難怪別人。讓你
們去完聚罷。旦石郎妹子。快來。

女冠子後生冠帶小旦帶貼旦老旦淨丑扮胡
女上生姻緣成謔浪新人自喚新郎不須賓相
小旦真情知己露原係同謀趕來分謗。

旦事已說明。大家同來請罪便了。生旦小旦
同跪介生岳父在上。不才婿負荆請罪。旦小
旦爹爹在上。不孝女負荆請罪。外你們也不
消請罪。只求以後。不要再做圈套。把我老人
家賣去就勾了。笑介生衆同拜介。

畫眉序外家賊果難防。揖盜牽幃入深幌。把蛾
眉奸細認作兒行。說便是這等說。也是你們前
世的姻緣。不然我也箇有竅的人。怎麼就被
你們欺騙到底。都只爲暗綢繆足上絲牽。瞞得

悔不作
過老龍鐘耳邊鈴響合洞房只道諧新侶誰知
舊日糟糠

前腔生兩度赴科場夫婦同收入羅網喜天從
人願賺入門墻多謝你老祁奚舉不私讎須念
我愚公治罪非身釀

合前

前腔旦自首免招殃做一部傳奇作供狀念憐
才痼疾猶勝似妬色膏肓也須念起死神功蓋
得過瞞天大謊

合前小旦

前腔權髮罪難量欺父欺天責非枉念情鍾女
伴不爲兒郎證孽果此日姻成惹情氛當年技
痒

合前末上稟老爺翰林院并科道兩衙門各
位老爺都在堂上賀喜外你夫婦間別久了
讓你們團聚待老夫去陪客罷在處恐妨琴
瑟樂借端不避應酬煩下生侍兒們掌燈進
房衆跪介稟老爺還是進那一位夫人的房

生笑介你們只管掌燈隨我老爺走漢家自有製度衆掌燈生左手攜旦右手攜小旦行介

鮑老催洞房幽做鴛鴦錦褥芙蓉幃冰波紋簾銷金帳左玉軟右香溫中情暢雙雙早辦熊羆襁明年此際珠生蚌看一對麒麟降尾聲美人香氣從來尙偏是妬婦聞來不覺香有幾箇破格憐才范大娘

傳奇十部九相思道是情癡尙未癡

獨有此奇人未傳特翻情局媿填詞

小雅

憐香伴傳奇卷下之下



